

8

DRUŠTVO ZA GEOTEHNIKU U BOSNI I HERCEGOVINI
Geotechnical Society of Bosnia and Herzegovina
Univerzitetska 2, 75000 Tuzla
Telefon: + 387 61 562 277
geotehnika@geotehnika.ba; www.geotehnika.ba

Broj: 02-01/21
Tuzla, 18.03.2021. godine

БОСНА И ХЕРЦЕГОВИНА
МИНИСТАРСТВО ПРАВДЕ
САРАЈЕВО

ПРИМЉЕНО: 29-03-2021			
Организациона јединица	Класификациона ознака	Радни број	

MINISTARSTVO PRAVDE BOSNE I HERCEGOVINE
Trg Bosne i Hercegovine br. 1
71000 Sarajevo

Predmet: **Godišnji izvještaj o radu i finansijski izvještaj
Društva za geotehniku u Bosni i Hercegovini za 2020. godinu**

Poštovani,

Dostavljamo Vam Godišnji izvještaj o radu i finansijski izvještaj Društva za geotehniku u Bosni i Hercegovini za 2020. godinu. Društvo za geotehniku u Bosni i Hercegovini, sa sjedištem u Tuzli, ulica Univerzitetska broj 2, je upisano pod brojem 852, Knjiga I Registra, dana 29.07.2009. godine.

Izvještaj obuhvata:

- **Godišnji izvještaj o radu Društva za geotehniku u Bosni i Hercegovini za 2020. godinu sa priložima:**

- Odluka o dodjeli ovlaštenja predsjedniku Upravnog odbora Društva za geotehniku u Bosni i Hercegovini;
- Fotografije uz godišnji izvještaj o radu Društva: Zbornik radova naučno-stručni simpozijum GEO-EXPO 2020 i naslovne stranice biltena Društva za geotehniku u Bosni i Hercegovini u 2020. godini.

- **Finansijski izvještaj Društva za geotehniku u Bosni i Hercegovini za 2020. godinu, odnosno:**

- Bilans stanja;
- Bilans uspjeha.

S poštovanjem,

Predsjednik Upravnog odbora
Društva za geotehniku u Bosni i Hercegovini

Sabid Zekan



Godišnji izvještaj o radu Društva za geotehniku u Bosni i Hercegovini za 2020. godinu

Društvo za geotehniku u Bosni i Hercegovini je u 2020. godini nastavilo sa aktivnostima na razvijanju i unapređenju geotehnike i međunarodne saradnje.

Društvo je održalo kontinuitet članstva u međunarodnim asocijacijama: ISRM (International Society for Rock Mechanics and Rock Engineering – Međunarodna asocijacija za mehaniku stijena i inženjerstvo u stijenskoj masi), ISSMGE (International Society for Soil Mechanics and Geotechnical Engineering – Međunarodna asocijacija za mehaniku tla i geotehniku) i ICL (International Consortium of Landslides – Međunarodni konzorcij o klizištima).

Društvo za geotehniku u Bosni i Hercegovini posebno je posvećeno regionalnoj saradnji između geotehničkih udruženja u zemljama zapadnog Balkana, što se odražava u kontinuiranoj podršci i sudjelovanju na nacionalnim i regionalnim geotehničkim konferencijama. Društvo za geotehniku u Bosni i Hercegovini je nastavilo saradnju i povezivanje sa geotehničkim udruženjima iz regije. 31. januara 2020. godine, dr.sc. Sabid Zekan, profesor na Rudarsko-geološko-građevinskom fakultetu Univerziteta u Tuzli i predsjednik Upravnog odbora Društva za geotehniku u Bosni i Hercegovini, je učestvovao na međunarodnoj radionici ISRM-a o najnovijim trendovima u mehanici stijena. Radionicu, održanu u Ljubljani, Sloveniji, organizirali su Slovensko geotehničko društvo (SloGeD), Slovensko društvo za istraživanje cestovne i prometne infrastrukture (DRC) i Institut za rudarstvo, geotehnologiju i okoliš (IRGO). Na radionici su također sudjelovali predstavnici regionalnih geotehničkih društava iz Bugarske, Hrvatske, Slovenije, Srbije i Sjeverne Makedonije. Prof. Sabid Zekan je održao predavanje pod naslovom: "Opšti pregled procesa slijeganja usljed eksploatacije soli i uglja u gradu Tuzla", koje se zasniva na timskom istraživanju sa prof. Norikazom Shimizu sa sveučilišta Yamaguchi, u Japanu, na čelu.

Na internet stranici Društva nastavljeno je objavljivanje Biltena o aktuelnostima u radu Društva za geotehniku u BiH. Bilten Društva za geotehniku u Bosni i Hercegovini objavljuje se svaka 4 mjeseca. Društvo za geotehniku u Bosni i Hercegovini je i 2020. godine nastavilo s praksom informiranja geotehničke zajednice o trenutnim događajima i aktivnostima u Društvu, te je članovima Društva distribuiralo tri nova izdanja biltena. Bilten je također dostupan na internet stranici Društva: <https://www.geotehnika.ba>

13. jula 2020. godine dr.sc. Mato Uljarević, profesor na Arhitektonsko-građevinsko-geodetskom fakultetu Univerziteta u Banjoj Luci i predsjednik Društva za geotehniku u Bosni i Hercegovini, je potpisao KLC2020 - deklaraciju o redukciji rizika od klizišta, koju podržavaju Ujedinjene nacije. Internet sesiji pokretanja KLC2020 prisustvovali su prof. Mato Uljarević i prof. Sabid Zekan u ime Društva za geotehniku u Bosni i Hercegovini 5. novembra 2020.

Kontinuirana aktivnost Društva za geotehniku u BiH je organizacija GEO-EXPO naučno-stručnog skupa svake godine. Jubilarni 10. po redu naučno-stručni skup GEO-EXPO 2020, koji se trebao održati u oktobru 2020., je otkazan zbog pandemije koronavirusa.

Radovi koji su stigli na adresu Društva su objavljeni u Zborniku radova, indeksiranom u bibliografskoj bazi Nacionalne i univerzitetske biblioteke Bosne i Hercegovine, ISSN: 2303-4262:

„ZBORNİK RADOVA
NAUČNO-STRUČNI SIMPOZIJUM
GEO-EXPO 2020“

Zbornik sadrži 18 recenziranih naučnih/stručnih radova na teme povezane s geotehnikom: „Podzemne konstrukcije, rudarstvo, građevinarstvo i okolišni inženjering, klizišta, geotehnička istraživanja i monitoring, geotehnički hazardi i rizici, infrastruktura, temeljenje i deponije“. Sažetci radova objavljenih u Zborniku radova GEO-EXPO 2020 su dostupni svim zainteresovanim članovima geotehničke zajednice i Društva na internet stranici: <https://www.geotecnika.ba>

Predsjednik Upravnog odbora
Društva za geotehniku u Bosni i Hercegovini

Sabid Zekan

